

affulget, videtur omnino esse doctrina de Causa Morali, ut
pote quæ non solum Philosophiæ, verum etiam Theologiæ
Cultoribus Sapientum æstimatione in Controversiis non
paucis apprime conducit, sicut prolixè demonstrare pos-
sem, nisi res jam tum in radiis solis scripta esset. Quam-
obrem quum & ego in votis haberem primitias quasdam
academicas DEO sospitante in lucem edendi, deliberavi
aliquantis per, unde Thema ventilatione dignum desume-
rem. Inveni igitur post diuturnam deliberationem The-
ma ex Metaphysicis de CAUSA MORALI quod propter
usum quem in omnibus Facultatibus insignem spirat, con-
sideratione prolixiori non indignum censui. Hinc etiam
illud jam in subsequentibus Paragraphis paulo penitus di-
vina sospitante gratia considerare animus est, quod ut bene
vertat, summum Numen veneror calidis suspiriis, velit mihi
rivulos suæ gratiæ clementissime cœlitus largiri, ut præpri-
mis in divini nominis gloriam, & studiorum meorum pro-
motionem cedant. Sit itaque.

§. I.

Quantis alias difficultatum nodis res præprimis Me-
taphysicæ, eo quod sensuum perceptioni haud obviæ fo-
lent esse implicitæ, nullus sanè Philosophorum negare
audebit, inter quas quoque Thema de causa morali,
quod non exiguae difficultati pariter obnoxium est. Etenim
non tantum circa illud ponderosæ quæstiones controvertuntur, in
quarum enodatione in diversas Autores abeunt & scinduntur
partes; Sed & si Catalogum Clarissimorum Doctorum intro-
spicimus, paucos invenimus, hancce materiam, qui ex funda-
mento tractarunt. Ipsum quod concernit Philosophiæ Phos-
phorum Aristotelem, nullibi hujus doctrinæ, quantum ex Scri-
ptis constat injicit mentionem expressam. Scholasticorum non-
nulli equidem hujus communiscuntur, quamquam lineis decur-
tatis & brevissimis, qvum non ex professo, sed incidenter & tra-
ctatio-